

LOS HIALATS SOCIAUS

Imaginatx que 20 ans a, los hialats sociaux que començavan tot just d'existir. Uei, que son pertot. Qua us son los lors impacts dens las nostas vitas ? Que'vs perpausam un estat deus lòcs dab los nostes uelhs de liceans.

Los hialats sociaux que son un utís de comunicacion e de partatge numeric. Que permeten d'escambiar informacions, de comunicar, de partatjar fòtos e vidèos. Uei, lo nombre d'utilizators qu'ei en trin de gahar la volada : que son 52,60 milions suus hialats sociaux en França, sia lo 80,3 % deus poblants. Que hè paur, non?

Mes quin hialats sociaux ? Tà qui ? Tà qué ? Sondatge !

SORGAS
www.blogdumoderateur.com

TAUS 9 - 11 ANS

Los mei joens qu'an ua bona coneishença (a còps un drin tròp) deus hialats sociaux. La frequentacion qu'ei cambiadissa segon las educacions : que pòt totun anar dinc a mei de duas òras per dia. Mes qué i hèn ? La principau activitat qu'ei d'espier vidèos (YouTube e TikTok) e d'enviar messatges (Xooloo). La màger part qu'a consciéncia deus dangèrs que representa : **secutament**, imatges dangerós... Los pairs e mairs que contròlan l'utilizacion deus hialats e ua sensibilizacion qu'ei prevista dens lo programa escolar.

TAUS 12 - 18 ANS

Nat dobte, los hialats sociaux qu'impactan las loas faïçon de viver, d'estar e d'interagir. L'utilizacion deus adòs qu'ei excessiva : **haut o baish** quate òras per dia e tà quauques uns mei de sèt òras.

TAUS 25 - 40 ANS

La màger part deus adultes que tròban que los hialats sociaux son un utís tà guardar un uelh actiu sus l'actualitat, assabentà's e demorar en contacte dab pròches. Un gran nombre que pensan tanben qu'ei ua pèrta de temps.

La purmèra causa que hèi quan me lhèvi, qu'ei de'm prèner lo telefonet tà espier las notificacions.

David, 18 ans

Qu'ac tornam díser : los hialats sociaux que son vaduts a la fin de las annadas 90 dab MSN, My-space, Windows

Live Messenger, los blògs. E'vs parla tot aquò ? E òc, Mark Zuckerberg n'ei pas lo purmèr trobare.

Ua màger part n'an pas **pravat** dab eths.

Un gèste automatic tà la màger part deus joens. E tà vos ?

Que son unamines, l'utilizacion deus hialats sociaux qu'a gahat la volada despuish lo confinament : besonh de demorar en contacte dab los amics, de **s'assabentar** de las nautats,...

Qu'ac vedem, los adòs que son gahats peus hialats. E òc, qu'ac arreconeishem !

Au licèu, daubuns qu'avèvan un MP3, alavetz que'u nse prestavan tà escotar e escambiar musica. Qu'èran los nostes hialats sociaux.

Emilie, 33 ans

Los mei utilizats : Snapchat, Facebook, Instagram.

Cò que podem véder, qu'ei que los hialats sociaux que contunhan de borbolhoar e de s'adaptar a las demandas deus joens. Mes, quinas son las limitas deus hialats sociaux ? E pòden estar un dangèr dens la nosta percepcion deu monde ? De si medish ?

Adiu Anna !

Quin atge as ? 14 ans

Ès inscriuta a hialats sociaux ?
Òc, Snapchat, Insta e YouTube

E'us consultas sovent ?
Òc, u òra e mieja cada dia

Qu'ei cò que t'apòrta ? Arren,
que hè passar lo temps. A còps YouTube qu'ajuda taus cors.